



PALA DUHANSKA MAFIJA U HERCEGOVINI

UHAPŠENO 14 OSOBA

Procjenjuje se da su uhapšeni za tri mjeseca prodali najmanje 55 tona duhana, čime je budžet BiH oštećen za 7.850.000 KM

Po naredbama Suda BiH i Tužilaštva BiH policijski službenici Državne agencije za istrage i zaštitu (SIPA) jučer ujutro počeli su akciju kodnog naziva "Lištica", koja se izvodi na području Gruda, Širokog Brijega, Čitluka, Zenice i Sarajeva. Slobode su lišili 14 osoba zbog postojanja osnova sumnje da su počinili krivično djelo organizirani kriminal u vezi sa krivičnim djelima nedozvoljen promet akciznih proizvoda, nedozvoljeno skladištenje robe, porezna utaja ili prevara i pranje novca.

Tokom pretresa 25 lokacija pronađeno je i privremeno oduzeto više od pet tona rezanog duhana, oko 18 tona duhana u listu, tri mašine za sječenje duhana, veća količina novca u gotovini, četiri putnička motorna vozila, više od 800 kutija cigareta različitih marki bez porijekla i drugi predmeti koji mogu poslužiti kao dokaz u daljem postupku.

Osobe lišene slobode privedene su u službene prosto-

rije SIPA-e radi kriminalističke obrade, nakon čega će se, shodno uputama postupajućeg tužioca Tužilaštva BiH, odlučiti o njihovom daljem statusu, a više osoba sasluša se u svojstvu svjedoka.

Pripadnici grupe za organizovani kriminal sumnjice se da su u periodu od novembra 2015. do februara 2016. godine, s ciljem sticanja protivpravne imovinske koristi, nezakonito nabavljali duhan u listu, vršili njegovu preradu i rezanje, te neovlašteno prodavali veće količine rezanog duhana preprodavcima i krajnjim kupcima širom BiH, bez prethodnog obilježavanja akciznim markicama i plaćanja obavezne akcize i PDV-a.

-Procjenjuje se da su svojim nezakonitim djelovanjem u periodu od tri mjeseca prodali najmanje 55 tona duhana, čime je budžet BiH oštećen za iznos od oko 7.850.000 KM, a pribavljena protivpravna imovinska korist veća od 1.200.000 KM - navodi se u saopćenju SIPA-e.

Akciji „Lištica“ prethodila je intenzivna kriminalistička

istraga koju su istražitelji SI-PA-e proveli pod nadzorom Tužilaštva BiH.



Pretresi izvršeni u nekoliko gradova



Zaplijenjena roba u Hercegovini